

新會縣志卷十四

知縣林星章主修

香山黃培芳

南海曾釗 總纂

事畧第十二下

祥異 俱何鳳分纂

雜錄 阮榕齡分纂

新會縣志

卷十四

事畧下

祥異

雜錄

目錄

一

新會縣志卷十四

事略下

雍正元年癸卯土賊張祖珠馮玉榮等嘯聚官田總督孔毓珣擒誅之鶴山志

二年甲辰建忠義孝弟祠節孝祠忠義孝弟祠樹石碑一座刊姓名於上已故者設位祠中節孝祠建石坊一座刊姓氏於上已故者設位祠中俱春秋致祭其寡婦守節十五載以上年逾四十故者一體旌表後三年營伍節婦亦一體

旌表郝通志

巡撫年希堯奏稱廣州府屬之東莞香山新安順德新會新寧惠州府屬之歸善海豐潮州府屬之潮陽揭陽饒平澄海惠來海陽肇慶府屬之陽江高州府屬之電白吳川石城雷

新會縣志卷十四事略下

州府屬之海康徐聞遂溪廉州府屬之合浦欽州瓊州府屬之瓊山澄邁臨高會同樂會文昌儋州萬州陵水崖州昌化感恩共三十五州縣皆海濱要地應遴選才識勝任之員保題調補從之同上

三年乙巳裁衛所共十有二衛二十六所於是新會所歸新會新寧香山開平四縣管理王志

五年丁未十月以新會天河橫江周郡三圍基責廣南韶連道督修同上

七年己酉二月署布政使王士俊條議盜賊之繁必有巢穴惟巡檢易行覺察以南海之神安江浦三江金利黃鼎五斗口番禺之鹿步菱塘沙灣慕德里順德之都寧紫泥東莞之京山中堂缺口增城之茅田烏石香山之小黃圃新會之沙



村牛肚灣清遠之滘江濱江三水之胥江英德之沈口象岡
曲江之平岡湖陽之招寧吉安揭陽之湖北寨博羅之石灣
陽春之古良東安之羅奇共三十三司於通省雜職內選擇
調補三年稱職保舉擢用竝請沙灣司添設武職協同防範
郝通志 王志成沙村牛肚灣二司於雍正十三年又奉部行入最要二十三缺之內

五月 命修歷代帝王陵寢及往聖先賢祠墓粵東僻處遐
陬向無陵寢止有宋端宗永福陵葬於新會之厓山日久莫
攷端宗母楊太后全節廟及宋文天祥祠各議修葺餘州郡
名臣祠墓俱報堅固 郝通志

命蛋戶聽其登岸居住蓋蛋戶以船為家以捕魚為業向不
敢與齊民齒至是 命有司徧行榜諭無力蛋戶聽其在船
自便有能葢屋棲身者許於近水村莊居住力田務本以示
新會縣志 卷十四 事略下

一視同仁之至意 同上 郡國利病書云令蛋戶編里輸課
水而居謂之木欄見水色則知有龍故又曰龍戶齊民則目
為蛋家廣州南岸周旋六十餘里不賓服者五萬餘戶皆蠻
蛋雜居自唐以來計丁輸課於官至是編戶立里長河
泊所歲收魚課東莞增城新會香山以至潮惠尤多

按明典彙洪武十五年命南雄侯趙庸籍廣州蛋戶
萬人為水軍時蛋人無定居或為寇盜故籍而用之
又二十七年花茂上言請徙廣東沿海地方東莞香
山等縣逋逃蛋戶為兵自來蛋戶無恆居因無恆產
使之力田務本一視同仁亦弭寇之一道也

八年庚戌秋七月督撫議奏廣東營制十三條其一日新會
添設官兵 郝通志

十月鑄給南海三水高要新會四縣縣丞水利關防 同上
十年壬子以新會藥逕司古勞都及開平縣地割置鶴山縣

於大官田設同知一員督恩開寧會鶴五縣捕務王

乾隆二年丁巳巡撫楊永斌以新會地居險要請改為府轄

鄰近各縣已奉旨議行而永斌改撫江蘇事遂中止上

四年己未布政使司薩哈諒請於南海之江浦黃鼎番禺之

菱塘沙灣順德之馬寧香山之小黃圃黃梁都新寧之廣海

寨惠來之神泉揭陽之湖口新會之沙村牛肚灣十三要缺

巡檢各設巡船二隻每船巡丁十二名巡查河道郝通志

五年庚申夏署縣王植以邑內外河淤淺百數十年久為民

病詳請發帑金修濬上官飭行查議以無項而止乃倡捐與

眾紳士先濬內河內城東自北關起過學宮至水關頭達於

外城外城西自惠民門水關起經廠邊過大南門會水關頭

水達於騎虎關城外大河又外城東自清化關過宜民橋會

新會縣志卷十四事略下

屋巷北上橋達於五顯關城外大河至次年而告竣又詳請

以陳姓報承大鰲沙坦捐銀四千兩修外河而城內外水關

橋梁紳士一時慕義興修煥然改觀王志詳建置

十二年丁卯知縣周懷濟重建學宮大成殿草志

十七年壬申夏饑知縣周懷濟倡捐賑濟採訪冊

十八年癸酉知縣張甄陶重建學宮戟門草志

三十六年辛卯知縣周志讓重修鄉賢祠採訪冊

三十七年壬辰穀貴知縣周志讓勸捐平糶同上

按城隍廟知縣周志讓勸捐平糶碑在乾隆三十七

年壬辰而草志列在二十四年己丑誤今更正

知縣周志讓重修文廟左文昌閣草志

五十一年丙午濬宜民橋河二百三十大草志

五十二年丁未春大饑斗粟銀陸錢澳門同知侯學詩署縣
事於大雲山江門沙平各設一廠捐賑平糶並行時侯署縣
倡捐銀五千兩本城約捐穀萬餘石江門約捐銀八千餘兩
民賴以安採訪冊

按署縣侯學詩賑糶碑立於戊申而賑糶事則在丁
未草志作戊申春大饑誤茲據碑文正之

五十七年壬子重建白沙釣臺

嘉慶七年壬戌時會匪劫掠沙堆古井等處聞有伏匿城內
者署縣宋如楠令各堡立鄉勇修闢柵城內紳士晝夜輪值
督率鄉勇分巡街道並按各鄉寓館歲底始息

九年甲子春二月二十二日外海陳明剛通海賊劫掠外海
鄉守備曹守仁觀望不進在籍侍衛陳大英督鄉人捍禦至

新會縣志

卷十四

事略下

四

二十四日賊始去

四月初九日夜棠下獲會匪廖宜漢等六人於圓坑坑為新
鶴兩邑之交賊黨挾仇圖復於是棠下戒嚴約賊至以鳴鉦
為號有違約者眾悉攻之賞罰嚴明戒備甚周未幾賊黨梁
修平等二十八人悉被擒梟於鶴山縣之沙坪墟俱同上

十年乙丑夏五月初十日海賊李英芳劫擄良則冲新前村
等處十一月初四日譚亞辰伍亞賢李英芳等率黨四百餘
名投誠總督委鹽運使親臨彈壓聽其入營歸農自便草志

監生陳文香山職員林應元黃萃業與漁戶陳敬裕盧高發

等請總督百齡給大船三十壯勇三千為前鋒許之所向有

功陣亡者祇十九人而殺獲無算較舟師尤得力香山志

十一年丙寅三月饑斗米銀六錢四分城內橫冲堡施粥賑

饑鄰堡多效之採訪冊

十三年戊辰十二月濬橫沖河一百九十餘丈草志

十四年己巳二月署縣沈寶善倡建金牛塔工費一萬二千餘兩同上

三月饑斗米錢五百八十文署縣沈寶善發倉平糶勸捐賑濟採訪冊

縣署右余氏宗祠高壓縣堂署縣沈協同紳士拆低數尺草志

五月初九日海賊鄭一嫂張保將犯境署縣沈寶善親往江

門堵禦十三日賊轉入沿濬口寶善衣短後衣督紳士軍民

悉力禦之賊不能犯遁長沙是役也參將孟某怯懦不出人

心恇搖寶善獨坐筍輿晝夜巡詢各鄉立礮臺設水柵練鄉

勇為功甚鉅採訪冊詳見雜記又見宦蹟十四日賊劫牛渚灣復興墟

新會縣志卷十四事略下 五

六月總督百齡至新會開平長沙勘驗賊匪被劫處十六日

張保等復由崖門入泊銀洲湖

十五年庚午二月初十海賊毀虎坑水柵直入長沙燒鋪戶

二百二十餘間時新會沿海村鄉燒劫甚眾九如鄉及慕山

死者擄者尤多又九如鄉男婦爭渡逃難者溺死四十人俱同

十四日張保等劫掠三達東頭等處時鄉勇梅岡蘇玩學

碩叟李德聯東頭李基昌謝永財俱被賊傷斃小岡村鄉勇

救援傷賊數十人賊勢始沮草志

四月賊張保鄭一嫂蕭雞爛等歸正總督百齡親蒞香山撫

之張保受千總銜領兵捕餘寇委擒麥有金卽烏石二於詹

州香山志五月賊首東海八降自是香山新會及沿海居民始

得安枕採訪冊

十七年壬申春正月重建白沙楚雲臺

十八年癸酉春正月奉 旨加本邑文童額三名武童額三

名署縣蔡夢麟詳請學政程國仁奏准也俱同上詳見學校

知縣吉安重修學宮西廡重建古岡義學詳見學校

五月十七日 詔恤外委倫相國竝入祀昭忠祠同先是八

年七月二十二日相國率巡船兵二百名捕賊於新沙初與

賊戰破之皆登岸逃俄而賊船四集圍數重相國力戰顧所

將士被創斃者七人於是大呼立殺數賊自午至戌身被四

五十創十指皆墮眾翼之登岸舟至三賢祠卒採訪

二十年乙亥五月十日已故洋商候選道盧觀恆入祀鄉賢

檔冊

二十一年丙子二月奉 旨以盧觀恆濫祀鄉賢撤出木主

新會縣志 卷十四 事略下

六

時番禺舉人劉華東等控告總督蔣攸銜奏奉 欽差章煦

熙昌來粵查訊究出濫祀實情將是題結赴之官員保舉之

紳士人等分別降級

罰俸有差 同上

十月何朝彥李兆榜等倡捐復開墩滘前因海賊張保等犯

境每由墩滘出沒故塞之黎姓業經承稅一頃至是以不利

水道又議復開乃倡捐銀千有餘兩買之其虛糧歸岡州書

院完納採訪

二十二年丁丑知縣王鳳坦修復尊經閣并濬文溪

二十三年戊寅重修學宮東廡

道光三年癸未署縣吳毓鈞倡捐修城

五年乙酉六月署縣陽耀祖舉行賓興禮

六年丙戌署縣陽耀祖倡捐濬邑城外河以經費不敷中止

八年戊子七月按察使姚祖同委龍川縣知縣保淳到縣

差房初六班差役於縣署兩旁設私館藉端私捕私羈羅其

害者不知幾何年幾何人至是庠生李如梅上控繼以副貢

李炳南等聯名疊控故有是舉是年五月生員李如梅呈請

略曰生幼讀儒書長習舉業臥碑恪守公庭絕私設班房其

門謹關家居鮮皂隸之識素不結怨於衙役獨難名字之投寒

房新會之有私造差館也分立八門冒稱七廟對峙縣衙之

首棟宇隆崇控握官街之喉堂構綺麗顏其額曰武廟曰祖

廟曰國帝廟陽假託於立像奉祀之名別其房曰皂班曰快

班曰民壯班陰切濟乎同上行私之實往往一票差出兩造

獲挈未稟審於公堂先勒詐乎私館內進名坐館尾拘攣不堪以

館面飲食自如不行賄者羈候內進名坐館尾拘攣不堪以

未成之獄先用私刑未報於官先行私押凌虐之慘片刻難

過官不及知民莫可奈更有奉縣交差帶候者其威益猛其

毒愈深賂之錢則不可放亦放代稟稱其病重取保非賂之

錢則不可押亦押飾詞謂恐礙難追以故原被告去番無

定干證人質訊不齊此積案所以難於清釐皆差館之為滋

其弊實也前經邑紳舉人黃其旋等稟請拆毀乃而縣主沈

准拆不拆當面祇著該紳自拆竟至該館內人犯移至福德祠

控又恐碍官縱差旋蒙沈縣主將班館內人犯移至福德祠

羈押是以終止詎弊猶存而法徒立陽雖奉而陰則違押斃

不知凡幾人積禍已延數十載雖李縣主窺其弊端另置候

新會縣志 卷十四 事略下 七

所而公押者法所易及私押者官所難防欲拆不行求拆不
許差愈逞而愈肆館愈創而愈奇每歲若誕辰若年節張燈
結彩銀燭燁煌每月若值班若禡祭設席肆筵珍品豐盛以
萬民為魚肉焚百族之膏脂猶復剝民財以立廟嘗奉神靈
而盟私黨差之有館勢大於官所以前王縣主初到任時認
眞辨理卒為挾制事已至此豈尚忍言今則該館堵截衙門
把持要路頭役百二散役千餘若遞投到催訊之呈未有原
差東道之議欲蓋截則集眾串索觀記封沈欲攔與則多方
扯牽輿前難近民居窮無訴案懸不結其尤弊者該館門首搭
蓋篷紫右通民居左連監獄一引火燭百般疎虞種種弊端
擢髮難數生在昔考試縣衙已經慘目今日從師省館豈遂
忍心第事關通縣稟當聯名乃該差族大黨強財雄贍惡邑
紳恐事仍前而不就差狎侮其更深遂爾觀望敢怒而未敢
言迄於今庸夫懼禍依附若輩以求全巨富逞強私結其徒
以濟惡常慮該差集館起議借票勒索藉端株連買竊盜之
供而掛牽身家被害因族屬之案而拖累良善遭殃積弊如
斯不拆不已夫以班房私設慢神虐民人人得而首告故生
當黃卷青燈事不應涉而青天白日時有可乘幸逢大憲新
政革除積弊申理冤民固已岳峻霜清人懷吏畏生罔識忌
諱不避怨嫌是以望風而來繪圖瀝稟地在可核事實難誣
眾口一詞輿情悉協伏乞密訪確查倘有挾私誣告願甘律
究懇恩俯准委勘押折現新會前沈縣主所修福德祠
押砧鎬枷犯李縣主續增候所堪留質訊人證理合聲明
懇察奪庶幾五磔銷除途平蕩俾民本無辜免受差役

殘如如有靈不坐班房褻慢以除積弊以培風化非獨生當
項祝山陶邑共沐鴻慈矣副貢生李炳南等聯名拆除班
房呈切周禮垂範恆厚念於府史胥徒月令慎刑每番心於
防好之政故班房私設例在撤除輕罪牽連訊仍保候本邑
自蠶役肆虐法私行城廂之中班房既分三處照牆之外
差館之名不知勒扭鎖以備三牲之供神靈不覺列聖帝於兩
廟之側人心奚安又况住館面者動有行規卧館席者先言
東道兩餐欲其送納還須破產以求門二使欲得自由必且
蕩家而請戶倘或館人未飽封戩記而呈訴無途如其館賂
半酬仍備禁而稟審無日深沈館尾同棲之積犯凌虐正多
幽暗館中淫鬱之暑寒痲癢不少最可痛者無論貿易良民
安居富戶凡輸金而入其黨者名曰燒紙便以公叔相呼願
効力而聽其命者名曰駁脚即以死生同誓出其門則有合
族同宗之誼列名不下數千人非其類則有種案摘食之虞
得禍即在二日同窩蛇蝎螫人以枚舉刁風豈可任其自由前經
閩邑聯請拆除沈憲批行已准在案因辦海防未遑卒事然
稟嚴威於在昔亦嘗酷迹之稍除乃漸漬以至於今反覺變
本而加厲既已館外置館聞點闕而私禁可藏抑且房內有
房伺稽查而私刑已晚任是屬親莫觀重垣之苦雖懸秦鏡
難雪無辜之冤所以控差者雖累曠時聞被害者仍吞聲莫
奈如係有名首犯咎亦難辭若屬待質平人情真可憫嗟嗟

新會縣志 卷十四

事略下

頭人則百人應役而鄰館之助虐履錯三千值日則五日一
輪而上班之靡筵席開數十倘非縲綹之求曷盈溝壑之欲
也耶前李侯亦深悉是弊因於福德祠內暫為羈畱原厥初
心將以彼而易此適逢卸篆竟仍舊而未除要之地曲垣深
勢難覺察衛有深室之真斯醫醜之得行易占叢棘之爰惟
疎通之是務所以本邑舊時無暫畱之區以為候訊之處
然薰蕕區別不受羣醜之欺柵間玲瓏猶能一覽而盡苟仍
受命者保無上下其手茲幸福曜新臨慈雲素仰訟庭花落
知稽畱無事其多方園扉草生任簧鼓而終歸無用敢陳庶
弊上瀆聰聽伏懇申詳亟予拆毀工費闔邑備支經畫惟憲
卓奪俾知賢明府之除害無煩啟告頻頻大君子之所為迴
出尋常萬萬也不且黃雲紫木沛陰雨於秋青鹿白鳥非
公侯於百代也哉臬憲姚祖同諭龍川縣保淳扎查差役
私設班館大千例禁平民偶因訟案牽涉動遭酷虐其或設
計坑陷憑空殃及無辜豺狼兇暴之行令人髮指此本司所
以必欲除惡務盡也竊曾縣班館該役鄭世瑜父子盤踞把
持兇殘甚熾本司早有聞正查訪適前有該縣生員李
如梅呈控此事當批交署縣張令嚴查勘辦旋據張令稟覆
該員履任後據紳士李炳南李如梅等具呈差役藉廟為名
在內設館叨乞拆除該令親詣勘明查縣署頭門外舊有廟
宇七間門首搭蓋葵蓬廟內深一二進寬二三間不等中間
安設神像旁間三班差役住宿偏院空房為官發帶候人犯
之所查看各房竝無建設柵欄及違禁器具除酌正間神

此指陳勘拆究治等語該將查辦緣由繪圖呈請核示前來
本司看得張令係新任署事之員能如此查辦已為難得惟
就所稟而論如果該差房止此數間竝無黑暗穢惡令人難
受之苦是所謂班館者尚非酷虐何以與本司所聞互異旋
又據該縣紳士副貢李炳南等多人赴轅呈訴據稱該縣差
役鄭世瑜等因本司前批甚嚴即將館尾暫行截塞撤去木
棚板臺仍為興復地步若非悉拔根株終成滋蔓用敢切實繪
混購仍為興復地步若非悉拔根株終成滋蔓用敢切實繪
圖聯名懇稟委員拆毀館面館尾澈底澄清等語本司將
所繪班館圖說細加查閱其間暗藏黑獄不少其私刑器其
諷皆藏匿是張令親勘之時已在差役改為之後其鬼蜮伎
倆何所不至張令居官謹飭不肯濫押多人自該令到任以
來差役等或稍斂跡然弊數不行廓清毒酷久而仍熾鄭世
瑜父子把持盤踞作惡多端若不加以前懲即眾役何以懲
儆扎到該令即馳赴新會會同張令立速將差館親行履勘
按圖細致將其館尾暫行截塞之處逐一驗明便可悉其情
偽須知此處名為差房實係班館斷乎不可存留竟當全行
拆除空其巢穴方為不留餘毒如恐差役無棲身之地本官
傳喚不便此可慮本司查閱內另有差館三所一在北門
街係六班同建凡有羈押垂斃之人則該差等預為報病移
置於此在在在在在在在在在在在在在在在在在在在在
該縣點查則移置於此在在在在在在在在在在在在在在在
事略下

新會縣志

卷十四

九

鍾日昇梁紹修等建造以備私押遷移之所此三處皆迫近
縣衙若改為隸役聽差之所有何不便緣該處地方人民遭
其荼毒已深訪其行徑甚悉故圖說較為詳備該令等當知
此處班館不去該縣人民如何同陷窳呻吟苦楚不死不生創
鉅痛深怨氣凝結此亦何異倒懸耶現在他縣濫押斃命詐
賄斃命之案層見疊出尙不知新會有無未經發覺之案該
令並面告張令設有此未結之案亟當悉心查明據實速辦
慎勿保蠹役貽害良民想張令亦同此主見也再該縣差役
鄭世瑜綽號通城虎為新邑有名巨蠹拾惡已久其子鄭遐
澤綽號小霸王世濟其惡從前迭經控告飭挈皆未捕獲緣
鄭世瑜詭名鄭聯勝鄭遐澤詭名黃蔣勝卵簿內并不露鄭
世瑜鄭遐澤之名是以無從捕獲其兇惡狡詐愚弄本官被
蒙已久該令到後即告知張令亟當不動聲色密速查拏妥
為押解赴省以憑究辦若任其遠颺潛匿則是曲為庇縱張
令即不能辭咎所有李如梅炳南等原呈一紙并原圖一張
統交該令帶往該令與張令同閱一面會同張令將班館拆
除一面傳到地方紳衿俾共知悉如此後再有私押私刑等
弊飭令遵照張令前此示諭確切指陳稟明究治特此切扎

道光十一年辛卯春夏饑知縣楊德墳率同紳士譚興然何

鳳陳占元莫汝舟莫廷珪李兆槐等倡捐共捐米一千五百

餘石設粥賑之自四月二十八日起至五月二十九日止

積生活無算適楊德墳解任代理縣事佛岡同知潘尙楫成
之知縣楊德墳捐米一百石何文懿祖嘗捐銀二百兩譚廣祿堂祖嘗捐米一百石莫樸健祖嘗捐米一百石陳覽德祖嘗捐米一百石

十三年癸巳濬五顯沖及清化關河

十一月重修顧侯祠

十四年甲午建大魁閣於馬山

知縣陳鳳圖修縣署大堂譙樓照牆

十五年乙未正月重建林曾二侯祠紳士林朝楨廖安等董其事

二月濬舊城內河自廠邊至騎虎關

建申明旌善兩亭

閏六月蝗署縣黃定宜捕之竝設局收買蝗不爲災

新會縣志 卷十四 事略下

十

十六年丙申秋七月觀瀾書院紳士羅鳴鑾等聯攻匪徒周亞旋周亞鉞胡亞鰲等三十五人劫擄滋擾小岡鄉約紳士蘇天德等聯攻匪徒阮亞穠梁亞螺蘇亞四等三十二人劫擄滋擾知縣林星章訪實會營嚴拏訊辦地方獲安

按邑有鄉約攻匪保良法爲至善而保良往往有之攻匪每慮貽禍以致聚黨成羣橫行無忌其害不小間有一二被兵差挈獲解訊者又皆供情狡展地方官因指控無人難於訊辦羈候日久遂有不肖保老挺身濫保以致虛實難分倖逃法網匪徒一經釋放害將益烈而與匪黨稍有往來者見其被獲得釋遂亦相率樂從此粵東搶劫擄人之案所以日多也其法務在責成父老未犯則約束之於前旣犯則聯攻

之於後力所能及者細送訊辦力所不能及者密稟
拘究地方官以公正紳耆爲耳目從而體恤之優獎
之有犯必獲有獲必辦有辦必嚴使匪徒及犯屬人
等不敢肆報復之志不得售仇攀之巧則紳耆不至
以攻匪貽禍匪徒聞風斂跡而地方安靜矣

十八年戊戌正月濬邑城外河知縣林星章捐廉爲倡本城
東北西南三方每方捐銀五千兩以譚興然羅鳴鑾何朝昌
張佩玉黃丕基等勸捐董事詳見建置

八月知縣林星章修城

十一月知縣林星章捐修養濟院

十九年己亥正月知縣林星章諭闔邑彙報節孝貞烈婦女
報者一千五百餘人知縣林星章諭闔邑紳士舉報節孝貞烈云本縣四歲失怙六歲爲嫡堂叔後

新會縣志 卷十四 事略下

七

賴本生母李孺人嗣母劉孺人撫養成立嘗奉兩節母遺命以後日服官必須表揚節烈以彰風化等諭言猶在耳事久銘心今查聞省有總旌節孝成案可以倣照舉行費不繁而所及者廣誠爲善舉合諭闔邑紳士一體查照確切採訪呈學轉移核辦云

五月 頒鴉片新例到縣俱同上

七月知縣林星章詳准奉 旨以歲貢胡方入祀鄉賢採訪冊

八月知縣林星章倡修城隍廟

十二月知縣林星章捐修白沙祠

十二月知縣林星章倡修文廟

二十年庚子正月知縣林星章倡修節孝祠俱同上

道光二十一年二月暎夷肆逆滋擾省會沿海各邑固不戒
嚴城西沿濬外通匡海知縣言良鉅相度地形築壩於西墪
閣下所以資堵禦固疆圉也先是形家者言西墪閣爲邑之
丙方上祀奎宿沿濬之水斜飛直出不利文明前尹王植林
星章咸議堵塞別開灣港以通舟楫都人士意見互歧而止
且一開一塞田畝之值畚鍤之功經費甚鉅良鉅首捐五百
金爲倡邑衆繼之得金二千餘兩先買民田柒畝開濬新河
口河面計闊七丈河底五丈其灣港之淤爲民田者咸以價
購一例開濬深通五丈爲率西墪閣下築礮臺一所凡三閱
月工乃告竣新壩計二十丈有奇壩之上下田塘稅畝撥入
官柱歲入之租爲歲修之費壩則培厚增高河則撈淤挖淺
皆責之首事三歲一易其人而稽其出納之數百餘年議而

新會縣志

卷十四

事略下

十三

未決者今乃成之有條不紊庶幾一勞而永逸矣並以餘力
修城東大悅濬堤壩之不中於程者是役也勸捐首事則譚
興然李兆槐莫兆槐何朝昌黃肇彰梁廷忠黃殿槐黃震亨
凡八人佐開濬之役以底於成者李炳麟李廣濶梁起蛟黃
厚賢李璇道關仁聲凡六人

祥異

梁大通六年甲寅熒惑入南斗草志

隋大業九年癸酉夏熒惑入南斗王志

唐景雲元年岡州黃雲見詳見山川黃雲山賈志

宋開寶八年乙亥十月颶風起一晝夜雨水二丈餘海為之

泛飄失舟楫草志咸平四年辛丑十月太白晝見南斗祥

符五年壬子八月熒惑犯南斗景祐元年甲戌九月熒惑

犯南斗三年丙子九月熒惑犯南斗俱同上皇祐三年辛

卯新會溪水紫者旬日賈志淳祐五年五月晦颶風大作夜

潮不得退淫潦頓至瀕海之民溺死者百餘家景定元年

庚申五月熒惑入南斗俱同上咸淳五年己巳五月有星孛

於南斗草志德祐元年乙亥八月熒惑犯南斗賈志祥興元

新會縣志 卷十四 祥異

年戊寅八月月貫南斗星隕於海上同

元至正二十七年丁未彗星見於南方草志

明洪武八年乙卯十月有星孛於南斗王志十年丁巳正月

白虹貫日十四年辛酉正月白虹貫日俱同上永樂十三

年乙未八月有星孛於南斗王志二十年壬寅五月颶風暴

雨潮水泛溢漂沒廬舍草志正統八年癸亥八月廣州饑新

會為甚賈志見事畧詳十三年戊辰八月有星孛於南斗賈志

十四年己巳八月太陰晝見與日爭明王志天順五年辛巳

八月邑平安甲產嘉禾九穗者三本七穗者四本六穗五穗

者各八本時知縣王重縣丞陶魯皆有善政人以為和氣所

感賈志六年壬午蝗黃通志宏治六年癸丑八月颶風大作

民多溺死賈志十四年辛酉五月饑同上詳十六年癸

亥九月颶風大水草志 十七年甲子五月饑賈志 詳 十

八年乙丑九月日色無光草志 正德六年辛未春有蝗賈志

八年癸酉四月旱饑同上 詳 十一年丙子天裂東南四

月大水同上 詳 十三年戊寅正月白虹貫日草志 十四

年己卯三月饑賈志 嘉靖元年壬午正月金星犯斗牛丁卯

日色慘白變青無光同上 詳 三年甲申正月朔五星聚

於營室賈志 四年乙酉二月大雨雹同上 五年丙戌八月恩

平新會大風拔木開平志 八年己丑夏颶風作毀折 文廟

樞星門及牌坊賈志 十年辛卯冬廣海有虎暴知縣張文鳳

懸賞募搏虎虎皆奪魄見羊犬亦不敢近槁死者六患遂息

十四年乙未五月大水 十五年丙申春大饑復大旱詳

十八年己亥十月地震 十九年庚子九月熒惑犯南

新會縣志 卷十四 詳異 二

斗浹旬雨犯 二十一年壬寅七月火星犯南斗第二星

二十二年癸卯七月熒惑犯南斗 二十四年乙巳閏正月

金星晝見十二月日旁黑氣如盤與日相盪七日乃滅 二

十五年丙午八月颶風傷稼壞舟楫多溺死 二十六年丁

未三月小雨如血俱同上 二十八年己酉三月日色慘白者

五日草志 三十二年癸丑春新會城西烈日雨血血不成點

其形如縷番禺志 四月大饑賈志 詳 三十三年甲寅颶風

大雨城內水深四尺壞廬舍甚眾啟聖公祠敬一亭儒學號

舍都御史魯能牌坊俱圯賈志 三十四年乙卯正月至四月

不雨同上 詳見事畧 三十六年丁巳二月古勞一都大雨雹形

如博石傷人畜壞廬舍七月晦地震八月有火皆見為崇至

九月乃息賈志 三十七年戊午五月地震 三十九年庚申

三月地震 四十年辛酉晦赤虹亘天 四十二年癸亥四

月地震七月大雷雨城中水深三尺壞廬舍無算 四十五

年丙寅八月兩日相鬪 隆慶元年丁卯十一月金星入南

斗 二年戊辰二月雨雹俱同上八月西北天裂自丑至寅乃

合草志 四年庚午大雨壞廬舍賈志 五年辛未正月雨雹是

年大饑 六年壬申三月旱饑 萬曆元年癸酉六月彗星

見秋大有年 四年丙子秋彗星見 六年戊寅秋彗星見

於東流於西白氣互天十一月乃滅冬雨雪 七年己卯大

雨水九月彗星見西方 八年庚辰七月彗星見東南 九

年辛巳九月至十二月啟明星不見 十二年甲申六月地

震七月復地震 十四年丙戌大饑斗米二百錢四月大雷

雨地震八月星入月中 十五年丁亥八月大風破屋壞船

新會縣志 卷十四

祥異

三

人多溺死 十六年戊子七月颶風作腥膈入大口涌獲之

俱同上 按字典肉部膈鳥沒切膈音膈膈肥也正字

通海狗之腎日膈膈此云膈膈入大口涌其即海狗耳 十八年庚寅七月太白經天蝕月草志 十九年辛卯十一月

東門城樓災賈志 二十年壬辰鎮星蝕月草志 二十一年癸

巳七月彗星見東井同上 二十三年乙未東方有大星出小

星羣繞秋大旱賈志 二十四年丙申春大饑詳見 七月彗星

見八月地震 二十五年丁酉三月大雨雹城中雹大如拳

城西諸鄉大如斗破屋殺畜民無所避 三十三年乙巳五

月地震六月再震七月再震八月再震十一月再震 三十

四年丙午春地震者再 三十七年己酉三月十三日暮有

火大如盂由西起直向中天分三彗而沒六月晦天赤如焚

是夜大雷雨蕩民居七月颶風作大雨七日東城崩平地水

深數尺壞民居無算十一月震電 三十八年庚戌六月颶

風大雨壞禾稼十一月晦大風雨雹大如栗俱同上 四十年

壬子竹有花草志 四十三年乙卯正月日暗無光同上十一月

地震賈志 四十四年丙辰五月熒惑襲月草志 四十五年丁

巳春聖池龍起城內外砂礫竹器飛騰滿天有白氣見東方

如刀賈志 四十六年戊午五月朔有黑日掩日無光九月彗

星見先數夜有白氣自東互西形如刀與彗星并見鋒鋷如

掃雨月乃滅草志 天啓元年辛酉二月南北各有日化為青

虹似弓形者三同上大有年賈志 三年癸亥六月熒惑入南斗

是月十六日初昏守斗中十餘日乃從西轉東去 四年甲

子饑俱同上 四月熒惑入南斗口其色變紫作怒十餘日始出

草志 五年乙丑六月八日夜有大星如毯東流於南響震一

新會縣志 卷十四 祥異

四

聲光散十餘道照耀如日犬馬皆驚賈志 六年丙寅大旱饑

詳見事畧 七年丁卯六月大雨海水溢浸城門四五尺毀壞廬

舍俱同上 崇禎元年戊辰三月辛巳昧爽天色如血草志春夏

旱歲大饑據賈志 二年己巳饑 三年庚午五月大雨七晝

夜壞廬舍歲大饑同上 六月望熒惑入南斗自下而上守斗中

二十四日自西轉東東新語詳見事畧 四年辛未正月日色如血

光照人物皆赤草志 七月啓明星伏數月不見賈志 八年乙亥

六月颶風作壞民居同上 十年丁丑三月白虹青氣貫日草志

五月晝見太白 十一年戊寅四月晝見熒惑同上 十三年

庚辰四月颶風作城塌一百六十丈賈志詳見事畧 九月兩日并

出辰刻合為一沒復分為兩而人草志 十五年壬午四月熒

惑犯歲星五月犯鎮星八月地震賈志 十六年癸未熒惑逆

行失度十一月有流星光芒丈餘西南八東北有聲十二

月朔日無光星晝見草志

國朝順治元年甲申春大雨雹同秋太白經天賈志十二月大

雷電草志二年乙酉三月不雨五月乃雨賈志四年丁亥三

月大雨雹八月地震五年戊子二月大饑斗米錢四百餓

殍盈道人有相食者十年癸巳大旱饑詳事十一年甲

午二月城震六月地大震十二年乙未二月城震十三

年丙申二月地震十六年己亥十一月雨雹俱同十七

年庚子夏大水草志康熙二年癸卯二月古勞雨雹四月西

潦漲至六月古勞中樂大浸賈志九月八日夜有火星墜於東

方其聲如雷草志三年甲辰十月彗星見同十一月地震賈志

四年乙巳四月十九日夜地震草志五年丙午彗星見自

新會縣志 卷十四 祥異 五

東南衝於西北同上十二月大雷雨賈志七年戊申二月有氣

如鎗長互西方四十日乃滅草志八年己酉二月古勞雨雹

三月一日颶風作五月三日復作六月五日十六日二十日

凡三作七月二十六日又作賈志九年庚戌大有年草志十

年辛亥大有年同上十一年壬子大有年草志十二年癸丑

四月六日金星犯月同上十三年甲寅九月十六日厓門海

中出煙一道疾衝縣西北方見者以為西北方失火後知出

自海逾時乃散賈志十六年丁巳颶風暴雨拔木毀屋風雨

中有火光草志十八年己未二月雨雹潮陽潮居二都壞民

居一千餘家賈志十九年庚申十月彗星見東方十餘日始

歿十一月白虹互天賈志二十一年壬戌七月彗星見東北

方詳三十三年甲戌夏大水草志見事畧 詳 三十六年丁

丑饑王志詳 四十年辛巳五月水草志詳 四十三

年甲申夏大水草志詳 五十二年癸巳饑王志詳

五十三甲午夏水王志詳 乾隆二年丁巳二月大雨

電草 十七年壬申夏饑採訪冊 四十六年辛丑東門

城樓災 四十八年癸卯六月一日颶風暴雨平地水滿六

尺 四十九年甲辰十二月八日江門舊椰街災延燒舖戶

一百餘間死三人 五十一年丙午十二月三十日雨雹

五十二年丁未饑詳見事 五十二年戊申饑詳見事 五十四

年己酉春不雨斗米銀三錢六月二十三日大水 五十六

年辛亥四月十九日大雨七月颶風八月地震 五十七年

壬子六月颶風 五十八年癸丑六月颶風八月颶風九月

十八日城外河北災二十日江門河船災燒船三百餘隻民

新會縣志 卷十四 祥異 六

赴海淹死者無數十月十八日城外河南災延燒舖屋四百

餘間二十九日新開濬災俱同上 五十九年甲寅二月三月

不雨五月六月霖雨不輟草志 六十年乙卯二月二十二日

雨雹五月二十三日大星隕 嘉慶元年丙辰元旦日食以

盆乘水照日影如斜屢雨錢五月五日夜星隕如斗光芒有

聲自東南流西北九月十一日至十七日連日颶風傷禾稼

十月九日南耕村災燒房屋八十餘間 二年丁巳五月二

十五日大雨壞廬舍六月十九夜大雨圍田多崩晚稻失收

九月龍眼有花西門外滄灣災燒舖戶六十餘間俱同上 四

年己未九月二十四日颶風採訪冊 六年辛酉春有紫氣晨

見於潮居六畝河橋望離地三四丈數刻乃散五月二日颶

風七月十日颶風九月十月大雨 七年壬戌三月三日昴

星八月四月竹生花七月二十七日大風 八年癸亥
月竹生花九月大星隕十二月荔枝龍眼有實 九年甲子
夏有二龍見於燕背尖峯雲間九月一日颶風傷禾稼是年
霖雨尤多一歲見太陽僅四十餘日 十年乙丑七月大水
颶風八月南坦村譚某一產三子九月颶風 十一年丙寅
二月二十二日雨雹如拳如斗如牛大者重數百斤落處地
爲之震而潮陽潮居壞廬舍尤多三月饑斗米銀六錢四分
詳見五月地震九月颶風 十三年戊辰十一月江門埠災
事略燒鋪戶一百四十餘間十二月饑斗米錢四百 十四年己
巳三月饑斗米錢五百八十 詳見七月彗星見十一月十日
城外河北災燒鋪屋一百三十間 十五年庚午正月饑斗
米錢四百二月十五夜地震五月旱 十六年辛未六月八

新會縣志

卷十四

祥異

七

日颶風暴雨拔樹壞屋無數 十七年壬申四月瀧水塘河
村華光廟內砌磚間產琪花兩株高八九寸每株開花一朶
一如宮扇一如金鐘日變五色朝白午紅晚轉紫黑夜深轉
青村童折去仍復生花如初至十二月中旬始謝九月賊蟲
害禾 按詩小雅及其蝨賊玉篇食根曰蝨食節曰賊此蟲長
二十許青身赤身兩旁有紅綫自首至尾啣斷穗之了
節終則食穀去壳吸米用鹽灰煙沙等殺之不死是月二十
六日夜大風雷雨蟲死大半或設香楮鑼鼓驅之有竟去者
十八年癸酉五月饑斗米錢四百九月地震 十九年甲

戊六月日食時適大憲一聲 二十年乙亥潮居六箇河橋
里雌雞化雄七月地震 二十三年戊寅九月大風暴雨壞
廬舍 二十四年己卯七月以水照日中有井字者凡數月
道光十年庚寅城內南隅街災十二月城外河南災 十
一年辛卯饑 詳見十二年壬辰七月颶風東門城樓演武

亭學宮西廡俱圯 十三年癸巳五月西潦長七月十一日

颶風十五日風尤大十八十九兩日霪甚邑東北諸鄉粒穀

不收按是年藉洋米不稅得以接濟 十五年乙未六月颶風壞禾稼舟楫

淹斃人口甚眾閏六月蝗詳見事略 八月彗星見十二月二十二

日寅卯刻飛雪如繇樹屋皆白辰刻乃止此從來縣屬所未

見者 十六年丙申十月十四日地震大有年 十七年丁

酉五月二十六日午龍見自東而北潛於圭峯之龍潭 十

八年戊戌八月初四日颶風十九年己亥六月潮陽都黃村

陳章與妻一產三子七月六日午刻日中見星在月之旁

二十年庚子大有年十一月九日大雨雷俱同上

新會縣志

卷十四

祥異 雜錄

雜錄

陳搏言宋運一汴二杭三閩四廣言終於廣也又云逢厓則止至帝昺果終於厓山案宋史太祖長子燕懿王德昭生守度終左領軍衛大將軍英州團練使贈廣州觀察使廬江侯其後爲理宗皇帝理宗一二傳至廣王昺入廣而終則宋運始終皆在廣也

廬山志

陳楊王維揚人不知其諱當宋季名隸尺籍伍符中從大將軍世傑祥興兵潰王舟亦爲所破幸脫死達岸與一二同行者累石支破釜煮遺糧療飢旣而糧絕同行者曰我等自分必死聞牖牖山有死馬共烹食之縱死亦得爲飽鬼王未及行疲極輒晝睡夢一白衣者謂曰汝慎勿食馬今夜有來共載也王以爲偶然未深信俄又夢如初至夜半夢中髣髴聞

新會縣志

卷十四

雜錄

櫓聲有衣紫者以杖觸王膺曰舟至矣奈何不起王驚寤身忽在舟上見舊所統領憐王亟藏之艙板下日取乾餼從板隙投之王掬以食度王渴約以足撼板卽張口向隙受漿居數日事洩皆彷徨不自安忽颶風吹舟盤旋如轉輪久不能進元將大恐遍求禱祈者統領知王能巫術白而出之王仰天叩齒若指揮鬼神狀風濤頓息元將喜因飲食之至通州賚王數巨魚送之登岸王歸維揚不樂爲軍伍避之盱眙津里鎮擇地而居以巫術行肇生聖女適明仁祖篤生太祖皇

帝

厓山志

黎穠坡先生三友號說云古岡黎彥晦嗜酒號陶陶生馬宗善雋放號惺惺子陳宗毅勇決號囂囂者陶陶者樂樂者仁也惺惺者敬敬則禮也囂囂者剛剛則勇也云云按先生以

誣語謫遼東其居屯錄序云居屯錄黎貞厄連閏之年而作

也予自乙集作丑夏與聶元秀馬宗善陳宗毅暨南海劉梓

有事於京師二三子罹此重禍云云是同歲者有聶馬陳劉

四人又放龜賦序曰歲乙丑愜按當是雲軒聶秀軒偕黎陶

陶生貞馬惺惺子紹陳囂囂者剛暨南海採薇生劉氏粹之

從番禺度庾嶺云云按外海陳姓譜族云陳江按與放龜字

宗毅號囂囂者與黎貞成遼陽貞赦歸江卒於戍所士林惜

之是同行者凡五人宗毅之外事蹟未詳探訪

藤鼓在三廣公祠內明成化元年總督韓公雍與知縣陶公

魯征大藤峽平之斷其藤以為鼓面徑二尺五寸身直如之

相傳藤可治腹痛妖魔諸疾故往往為人剗去今扁置櫃中

春秋奉祀乃擊之以侑食云同上

新會縣志

卷十四

雜錄

二

白沙先生詩序曰東山至厓山議立慈元廟因感昔日夢中

之言成詩呈東山詩曰海上一陵何處封劉翁今日問陳翁

天翻地覆諸王世草死厓枯十月風慷慨尙餘精爽在依稀

猶作夢魂通江山指點真還我棟宇商量果待公白沙詩集

按張詡白沙先生行狀云大忠祠成太夫人夢金冠

三人從甲士數百謝於門慈元廟之未建也先生夢

一女人后飾立於大忠之上曰請先生啟之後十年

建廟即其所也

白沙子集贈人詩云誰將兒女浪干情春雨來時草又生夢

外是真真亦夢石泉槐火對清明阮通志引柳亭詩話有士

人不得志託夢於靈山神以石城懷果對清明之句示之莫

知所謂越十年成進士得石城令宿縣界見四山燈火燐然

顧問寺僧以清明祭墓者對其寺額乃懷果也默理前夢因
借成詩曰眼前兒女莫關情春若來時草又生夢亦是真真
即夢石城懷果對清明詞意若同豈靈神改白沙詩以示士
人抑傳者因白沙詩而附會其辭耶探訪

碧玉搗本嘉慶二十二年十月辛巳謁陳白沙先生祠登碧
玉樓其裔孫禮所貽也玉以周尺度之厚半寸袤尺一寸首
廣三寸二分微羨下射廣四寸刻之去首一寸強為孔周二
寸弱當孔之左右為兩珥橫出五分強下迤之以放於射玉
之質潛確類書稱甘青玉色淡青而帶黃是也非碧玉碧玉
南產倭西產于閩皆蒼綠色也玉之澤手近之則津其諸記
所稱水蒼玉與謹按周禮玉人大璋中璋九寸邊璋七寸射
四寸厚寸此言璋也黃金勺青金外朱中此言勺也鼻寸衡

新會縣志

卷十四

雜錄

三

四寸有纁此合言璋勺也先鄭謂鼻為勺之龍鼻後鄭謂鼻
為勺之龍口若是則組琮無勺無龍首經言鼻寸不可通矣
古者謂組為鼻璋之鼻其以系纁歟此玉兩珥各寸如璋之
鼻射四寸如璋厚寸亦如璋當兩珥度之衡亦四寸如璋惟
袤逾三寸敬觀淳熙古玉圖尺度過於古者此玉之袤偶異
而已經下文云大璋亦如之諸侯以聘女蓋天子大璋中璋
邊璋皆有勺故以纁諸侯大璋無勺故以聘女此玉蓋古聘
女之大璋也敬前在廣州問碧玉之故有言明憲宗以聘先
生者及至新會考之志乘無其說白沙集碧玉樓諸詩亦無
之先生記夢文在成化三年按夢記在成化六年
庚寅云三年誤也已言卧碧
玉樓而憲宗之聘在十九年按白沙年譜在
十八年壬寅其非聘先生之
玉無疑義矣先生詩言失玉而復得其諸先人之所留遺

成化壬寅九月陳獻章公甫應詔赴京道過南安太守華亭
張汝弼甫欲用曹參禮蓋公故事款留於周程吟風弄月臺
上以受教陳不可曰當不俟駕矣今方度嶺又值積雨裝弗
亟辦容與數日耳張不能強王枕詩話
明成化間關奴倡亂嶺背林碧溪與其弟梅窓梅楊俱遇害
碧溪長子順樂年十八與次子頤樂及罹難家人赴省請剿
省兵至賊已遁總鎮某以順樂給之將刑焉時天日甚霽忽
迅雷暴發順樂請曰賊固在也請兵隨我偵之縛之麾下否
者願一死以償誕謾某從其言順偕兵潛蹤羣伏要路賊以
兵退復出順即與兵士扼殺之某大喜慰曰若孝能動天如
此一時詫為異事其後嗣蕃衍咸曰此冥冥所以報孝子也

新會縣志

卷十四

雜錄

四

採訪

世人見龍或挂或鬪或經過或取水則必風雨交至雷電晦
暝甚至壞屋拔木閃閃於雲烟間見其盤旋之勢耳欲觀全
體不得也吾友金茂之之父成化末客遊廣東新會縣一日
早潮方平一龍自空墜於沙場漁人各籠之至死官民羣往
觀之其高可隱人其長數十丈頭角鱗足宛然如畫第腹多
紅色此可謂見之明也七脩類稿

猿人獻猿於陶魯言樵於山見黃猿墮地死一黑猿從之號

鳴不已乃子母猿也取歸投以果物皆不食益號鳴不已置

其母皮於前趨而抱之魯試之果如其言李承箕作孝猿記

黃通志 案考 猿記今無考

唐順之贈黃子晦歸新會詩云蠻舍相逢憶聚星子漸入室

爾趨庭子長能繼先人業王士會乘博士經萬里風烟還命
駕廿年蹤跡已如萍哀顏重感善衿日一笑尊前喜媿并

周用能大嶺尾人性篤孝年十七服役於羊城之旂人爾時

皇圖初啟餘寇未靖新會大賊劉保猶踞霞洞寨劫人為

質用能母為賊擄家貧不能贖窘甚乃鬻身旂人攜金回家

藏諸大士香爐中擬明晨赴贖明日有人來云用能母已藉

神庇近寓東澤村矣用能聞之即往負母趨回方母之至霞

洞寨也賊防閑稠密適村僕朱運龍以代贖人至寨與賊狎

見母驚曰半月不贖命危矣密囑母曰前塘深惟一徑可度

吾樹之竹望此以行庶可越也如僕言比登岸見一白衣女

疑同逃難者急隨之女亦急緩行女亦緩破曉女忽不見東

澤村已在望矣蓋神嘉用能之孝故其所感孚者如此因括

新會縣志 卷十四 雜錄

五

据築樓以奉母三築而後工成金竹胡方題其額曰三成樓

云俱採訪冊

林皋贈僧今日詩云三城有開土碧服水田衣一尊繡佛前

咳唾成珠璣蒿日憂世志蝸磨忘渴饑岡州昔三載白骨委

荆扉親戚念倉黃時危願力微戒舟下江門對之長累欲兜

羅一展力殖幣何巍巍白業護枯朽魂氣倍有歸我來煮石

園與子話無機羨子法雲侶而我願多違三笑過虎溪臨歧

歌采薇

案今日僧即番禺諸生李正也事詳廣東新語

明末有虎賁將軍王興者以兵敗闔室自焚其子孫有無不
可知嘉慶間有王氏者自立為將軍後欲往省墓不知其處
有告之王氏欣然率子弟往謁未三年男女死者過半自爾

不敢再往豈闔室自焚子孫已盡彼王氏者冒爲其後以致將軍之罰與粵小

案王將軍死時其五子出降於平南王見元功垂範是將軍死時固有五子也餘詳王將軍本傳

鍾女九姑者潭整鍾大業孫女世宰第九女同產八兒女以次第稱故稱九姑生而秀異以美麗聞於遐邇康熙十五年二月流賊馬雄由高明過新會經大澤屯呂村車子嶺幾二月土人爲賊鷹犬者涎女美指名來索時方據樓拒賊以金帛賂之往返頻數卒不許曰能以女獻宥汝一鄉否則礮碎若樓鄉人咸請於女父母父母兄弟皆相顧流涕女亦泫然奮袂請行遂絕樓下賊得女大喜謂鄉人曰當村四山築基圍之以此爲識遂去之邑城是以有圍城之難數月賊敗女

新會縣志

卷十四

雜錄

六

歸平南王府中貴寵冠時未幾王以叛誅女不知所終當賊之屯車子嶺也呂村得禍尤酷死於樓之烟薰與死於勒贖刳掠者凡數百其散亡而歸者僅三十人耳今車子嶺義冢尚存每清明吊祭謂之大忌當時潭整與呂村比鄰而潭整卒無一人傷者皆以女故然鍾氏故名門深以女爲大恥而平南又以逆誅且恐貽累故闕其事世罕聞焉然以一女舍其身以救父母桑梓之難君子悲其遇哀其志又何深責焉故記之採訪冊

康熙間邑城某氏嫁杜阮鄉黃某氏歸寧他日遣媪送歸早行出城北遇雨於黃雲寺憇焉僧悅其色弗從殺之瘞廚下無何翁壻交訴諸官寃久未白已而白公章下車首詢是案諗所由徑至是寺恍然曰寃在是矣遣幹吏偵之知果死於

此亦捕僧詢之得髑髏於廚下遂置僧於法廢其寺

邑侯王植成章時邑孝廉戴大成方為深澤縣尹嘗葺衙宇所雇工匠乃侯父也時將有試事因問侯父而有子讀書乎答曰有能讀乎答曰匠人不解讀書事諸蒙師則皆稱頗聰明問年幾何曰十七歲能來應考乎曰家貧無以為卷資費戴曰必使來吾給以卷及試閱侯文大加賞異語其父曰而子翰苑才也竟以冠軍遂遊庠既又為延師教之未幾成進士戴解組歸里侯銓適得新會甫下車詣戴拜謁饋薪水貲嗣後甘旨之間不間歲時又延戴主講書院贈句云此日一簾化雨當年兩袖清風戴病卒躬服斬衰送葬每虞祭輒卽位哭一切葬祭費皆為措辦時稱為門生孝子 或曰戴官深澤嘗夜出緝奸有書生持酒器問之曰夜醉何為生日寒

新會縣志

卷十四

雜錄

七

無綿將以酒禦寒為夜讀計耳戴疑其偽偕回署謂勤讀必能文試以詩藝曰英才也遂命館署中云俱同上

乾隆初王邑侯植以經學課士刻岡州課錄其第一篇載廩生屈杰圖書異同考發前人所未發以此錄今世罕傳本故錄其略云善乎程子之言曰見兔可以畫圖則亦可以敘書其殆深知圖書之理者乎竊謂圖與書為天地自然之理數非惟物有之即近取諸身人面可準乎河圖焉鼻其五十之中土而居中不動者也柱之一者中五之奇平竅之兩者中十之偶乎其下為一六之水則口應之一之陽在內六之陰在外故能入而吸以其處下而為陰地則受之以五味味亦陰也所以上不動而下動者潤下之勢則然耳其上為二七之火則目應之二之陰在內七之陽在外故能出而視以美

處上而爲陽天則受之以五色色亦陽也所以下不動而上動者炎上之勢則然耳至于三八之木四九之金列于兩旁而左右之耳取象焉木能去塞耳所以通也金能作聲耳所以聽也水火多動口目象之而動木金常靜則兩耳亦象之而靜矣更可準乎洛書焉大抵有竅者陽故能嗅能視能聽能言語飲食也鬚眉之類爲陰則靜而無所取于物矣申五雖陽而不動其象爲鼻耳目皆陽則何以別之洛書之點一在下爲老陽位九在上爲老陽數老陽能動能變口目之動以之三居左爲少陽位七居右爲少陽數少陽不動不變兩耳之不動以之於是又以二四之在角者爲兩眉二火固有炎上之勢然憂則聚而喜則舒又有四金從革之義焉於是又以六八之在下角者爲鬚鬚六水固有潤下之勢然髭旁

新會縣志

卷十四

雜錄

八

溢而鬚直垂又有八木曲直之義焉王侯評曰人多撫拾啟蒙剩義無獨得之趣此獨從人面上發明圖書之理縱橫推衍各有妙詮河南見免畫圖之說想亦爾耳

岡州課錄

張世揚一名丕顯北街人字玉美性慇直武藝絕倫嘗舟過文洲見羣賊劫一人將害之揚怒曰得財足矣猶忍害乎賊素畏揚乃釋之其人問公里居姓名甚悉乃去又數年金公光祖督制兩粵甫下車卽飛檄取公人皆爲公危及至始知爲昔所救者居內庭如昆仲然揚曰某來時老母不勝疑慮歸語之故然後惟公所用未幾新寧賊首余亞妹嘯聚電白有司不能制金命揚招其鄉之壯士從征得六人焉曰此皆一以當百者不然雖多公爲金公督兵至儒洞揚遂渡河戰酣間賊破後營急反兵一驅救金公金日印綬尙在帳中奈

何揚卽入取印出賊憤甚併力追之奔至太平而力已倦血
凝兩手金使人洗以温酒於是整師復戰未浹旬賊皆授首
凱旋與之金以過多辭授之官又以畏煩辭命舉所親乃舉
族姪紀功加都督府同知電白守備粵俗凡奉官取船者有
賂則釋無賂則留金憐揚貧命取船往粵西巡邊揚至舟舟
子飲之酒酣則盡遣之去惟以數船復命金意盈橐密偵之
則一毫弗取爲之嗟異者久之揚所居破屋數椽金遣使攜
金歸欲華其居揚不從累土爲之容膝而已時電白賊雖平
而尙多劫掠雷爲往瓊要津其害尤甚齋公文者皆請揚於
金挾與俱行賊見之曰是滅余亞妹者當速避之採訪冊
邑士張瑤光乞命松并序云圭峰舊多古松歲饑斧殆盡矣
寺前五株特存寺僧如願以身乞免者也社中諸子紀以詩

新會縣志

卷十四

雜錄

九

余屬和焉歸來遠鶴豈無情百尺危巢尙未傾浩劫神仙容
不免豐年草木有餘榮人於故國存封殖天爲名山惜老成
回首風濤成往事蒼顏猶得似平生虛白集

陳元力字煥德號巧亭水東人少靈悟博獵羣書尤善易兼
通天文洞休咎嫻擊伎諸術舉乾隆三十六年鄉薦嘗入京
宿瀧船舟子瞞其裝欲害焉元力知之篝燈蹲踞持劍伺船
內俄聞大聲裂磔元力開燈赫視乃舟人力持巨鑊覆於枕
傍元力持劍大呼問欲何爲舟人色戰諾諾曰聊相戲耳元
力大恚欲殺之慮賈禍乃亦戲曰若以鑊吾以劍請演之以
破岑寂乃舞劍舟中鋒銑四飛舟人益懼曰請止技小人拜
下風矣元力擲劍曰止豎子瑣瑣不足數也遂去元力少寒
寒性倜儻宏達於讀書擊劍棋酒外世味淡如也有屠者曰

武煦奇元力才往往資給之遂獲雋採訪冊

新會進士譚大經為嘉興別駕以公事往村落行至山徑間有犬向之咆哮公知有異隨犬而行至一新墳復咆哮而去乃密稟大憲欲啟墳看驗憲笑其迂然公素有清正之名姑允其請戒之曰無控告而輒爾啓墳奈何對曰若事不實願荷罪遂拘其親黨及妻鞠之皆言酒醉暴死驗其屍并無証佐方疑慮間恍惚有人告曰冤在春梁裏叱工人翻驗之有二三黑蟲躍出屢訊其妻供言與所私謀殺其夫以竹管藏毒蟲俟夫醉卧吹入鼻中云案既結聞於朝嘉美之命注於籍為驗屍者鑒粵小記

陳志長號植堂荷塘學前坊人嘗開油肆於羊城南門甕城其鄰紙肆也諸工深夜始息志長嘗慮火災預設長梯後紙

新會縣志 卷十四 雜錄

肆果遭火災志長即出梯枕城垣俾肆中人次第逸去獲生者百許人鄰人立碑於甕門底以志其恩道光十三年又大

火燬其碑今志長口碑猶在甕城云採訪冊

國學梁之攀字傳暹小岡橋西里人賈江門將販邑城有同舟某者負白金數百以金作枕既至邑城爭登岸忘白金與眾偕行梁時筋力就衰故獨居後見白金大驚覓某某已去乃坐守之稍頃某至翁以金付之感謝去 張鳳池字參滿

田邊人家故貧嘗往沙塘墟獲遺金數十他日訪其人還之蓋湖連布傭也乾隆五十一年開平劉恭寬售布得金恐路遇強奪素聞鳳池好義名託金而去路果遇匪無所得劉後

至叩謝曰某全家衣食皆公賜也 伍德茂小垣農夫也嘗拾遺金歸語妻曰此金雖微若貧者失之即命所係遂候於

以詢其人還之若此者凡二次云 阮昊字章昊潭岡人家甚窘性廉介其子拾穗歸脫粟進之昊曰此豈無一穗盜人者耶不食偶浴於塘得染房遺布還其主主誣以盜昊晒而去里老恚咸請代詛諸神主懼乃已七夕炷香書謝青天三字拜之曰昊雖貧亦天賜清福也居恆茹素誦警世語以勸人間里以章昊大仙呼之嗟其能忍飢也

區齊智潮連人家無立錐而天懷恬曠資性穎悟嘗偕諸友往小欖看菊會至一家見漢書遂坐閱俄主人設宴請區一醉醉已復閱其不羈多類此鄉間文士有好聞古籍者輒攜酒具從之酒醉以往則談今古如瓶注水屋以內無桌子食則以門代之過其居見無門焉者知區先生必食時也與里人潘慎修最善潘念其貧時贍其家或以錢銀私置几上

新會縣志

卷十四

雜錄

十一

不言而去潘最工時文有名於時試輒前茅而卒弗售俱以布衣老

俱同上

蕭孝廉燧詩序曰偕靈峯丈出東門外招魂山尋孝子劉鳳思親詩碣初鳳奉母過此母溺招魂以葬故山以此名再經哭墓作五古詩十章揭諸阡靈峯少時猶及見之今墓猶識而碣不存志書亦不載詩曰病同憐失母旅客此招魂秋思尋荒碣行人識墓門雲停來鴈遠霜冷乳雅喧古刻多零落

茫茫誰與存

思儉齋集

黃孝廉定常詩序云癸丑七月廿四日讌集岡州書院明道堂晚見霞光滿院同人紀異因賦呈盛春谷院長其詩曰癸丑之歲秋七月明道堂開軒揭先生邀二三子來搖毫擲簡飛玉屑坐我光風霽日中飲以醇醪歡不竭陡見紅光徹

庭除流爍鉛黃鬱蓬勃或云太乙然青藜吹散炎歊紛絮裂

或云劍氣冲斗牛赤電白虹奔如瞥不然百斛扛龍文炫曜

神怪乍飄忽不然造脩五鳳樓蠹射蓬瀛之宮闕鸞停鵲峙

孳蛟螭爛不可收爭發越一座神驚立凝眸口莫能言眼花

纈我為羣公前席陳此事吾輩煩闡發念昔陶公八公名建忠

勳徇彼敢勇平楚粵功高大闢檠戟門堂則特筆書世烈院為

陶公故宅白沙先生題額世烈堂經年荒徑走狐狸頽垣白晝窟蛇蝎先生

日忧心亦傷荆棘當門勞誅伐肅清院宇峻門牆旁度餘區

豎高壓學以地主禮則然請於賢侯謀也決時議立陶公主祀於院左邑侯

願公九魑魅遁迹魍魎逃鼠不穿窟免無窟公之靈兮薄漢

霄豈有典型今乃滅旌旗閃若下雲霓颯颯英風聳毛骨得

非先生感召之奚以羹牆見恍惚院長夢有義冠博帶掛闥而入以為公之靈未泯

新會縣志 卷十四

雜錄

十一

我今作詩當詠歌願乞鴻文銘在碣品山詩集

吳孝廉應達游顧侯祠記嘉慶庚午三月廿二日與何紅藥

張厓山等十二人同謁顧侯祠三拜而退飲於祠後滄浪亭

月上乃返侯名嗣協字迂客江南人康熙間合新會誓神而

後入葦除陋規因俗成化慕白沙先生遺風作仰止堂於東

門外公餘集邑人士為文酒之燕既去官邑人即仰止堂肖

像事之他日侯童過此自題楹帖曰做一箇不要錢的新會

縣留一箇不昧心的蘇州人滄浪亭亦侯所建長松蔭其上

流泉繞其下如畫荆之繫於水際玉臺積翠在牕戶間於是

十二人列坐其次飲酒樂甚酒半因言今縣令沈公寶善潔

己愛民為顧侯以後所僅見先是有無賴投藥於井飲水者

腹暴脹死不數日而各堡皆遍公禱於城隍神亦投藥於井

以解之而新會無蠱患往年海寇大至公躡草履衣短後衣
東西奔走捐俸錢督民築水柵建礮臺至厓門遇賊幾爲所
獲其後賊復至江門公身先士卒賞不惜費賊無所得乃罷
去民間有武官守城文官打賊之謠自是賊無復至新會者
余曰孰謂古今人不相及哉紅藥曰不然沈公之先有徐令
者以翰林出爲縣令貪暴無狀其尤甚者有貞婦既請旌矣
兩姪爭繼訟於庭其一以金餌令誣貞婦與姪私令乃刑貞
婦棧其十指見血婦無可告愬則哭於城隍廟三日令發狂
暴卒時邑中無市以棺者此令死而有知倘與顧侯之神遇
其竟作何狀耶於是厓山顧左右而吁旣而瞿然曰我知之
矣顧侯惟不昧其心此顧侯之所以爲顧侯也有其心而自
昧之此徐令之所以爲徐令也若夫慎終如始不忘其初吾

新會縣志

卷十四

雜錄

三

得以觀沈公於異日矣余曰旨哉雖然天下之爲徐令者多

矣抑何城隍神之靈也或曰城隍神蓋卽顧侯云

厓山文集

沈公寶善拒賊江門時以木豎水中結繩纏固合不可脫賊
以是弗能入謂門生廖某曰此兵法蛛絲結網陣也尤善指
書五指各用其一悉皆工妙嘗指所書謂某曰君觀予所書
何指爲妙某曰第四指公頷曰是是夫五指之中第四指爲
無用故名無名而此指獨工人知有用之用而不知無用之
爲有用也契漆園之旨可以悟道矣天下無棄物君子無棄
人刑者守門警者按樂聖人治天下可類推矣嘗顧西塾木
橋歎曰此橋所關往來趁渡者甚鉅他日有貪利小人議毀
之易以小舟其控縣復之又嘗私巡里巷遇沽酒某色倉皇
詢曰奚爲夜飲也某曰貧氓幸誕一子沽酒無人非敢自醉

也公喜明且招人署贈以貲某子彌月送薑酒進署則益喜其和易得民類如此

嘉慶中年洋賊肆掠某村近海村人惶怯集眾籌畫皆云彼衆我寡非火攻不可然大礮非倉卒可致各獻議皆弗能定有老儒聞之哂曰願勿憂幸從我畫殲鼠輩易耳飭村人凡池塘道路悉以稻草平覆俾四望無路又設伏諸隘下令曰聽我指麾若聞賊入里乃放小礮鳴鉦四應未幾賊至皆如所教鉦礮互應賊大驚出意外咸狼狽望草而奔者沒于塘出乎外者死於隘云 又有二商以小舫載紅白布率遇賊於沿濬口相距頗近知弗免于是一商詭爲尸仰卧舫中覆以紅布一商散髮咽哭僻踊尸旁賊驚其凶也戒勿近遂得各二事有急智奇計故記之

新會縣志

卷十四

雜錄

高

張祐泰字洪啟北街人以義勇聞順治間從軍遭馬雄之亂以礮傷卒官葬府城北門外時妻孀子穉今失其墓咸傷其沒於 王事故志之

高姬者羊城人新會沙村司巡檢張聰朗少姬也姬歸張僅一歲道光二年張卒張年五十餘矣宦囊如洗僅餘妻一婢一與姬三焉初張之娶姬也價四百兩而納其半張言官新會留其半以其後償姬母利其官也許之至是張妻謂其母曰此二百者已矣其令而女別掃蛾眉以償前諾其母無如何又許之姬泣不可以死自矢張婦曰河山迢遞吾與汝皆婦人路遠費繁其焉能支且吾夫來後以官債故慮券皆付他人歸去尙無棲息老身已矣旦夕入地其如爾何且汝年少一朝舉簾夕藏金屋服茜麗矣何甘此艱苦爲也姬終不

可曰夫人老矣妾若去中途起居誰與扶持從一而終天之制也妾籌之熟矣夫人無再計張婦又曰若經經者恥從人耳吾鬻此婢送若入空門了此生如何姬曰此益不可夫以妾之故而鬻此婢夫人逆旅奉侍何人其母泣且言曰老身所倚依者惟汝一人庶求啖飯處今汝決北去吾必投爾於江姬大慟曰女之所從者天也天不可違生死惟命義無再計其母終無如何姬遂北去

瀧水塘河北帝廟其像白石琢成昔有漁人在厓海中網得之欲置某村道經塘河山下偶憩於此再昇弗動遂立廟於此其像日久漸穴今與神龕齊矣或疑爲宋亡時物也

凌冲洋美田中有石名牛眠廣數尺如遇巨風大雨水沒其上爲凌冲科名之兆往往有驗云俱同上

新會縣志

卷十四

雜錄

五

附錄王志賢言

城外有支河舊志謂外河爲邑襟帶河旣繞城而泗冲大口冲新開濬帝臨堂西墾諸水皆斜飛直出於邑不利明萬歷間推官黃華秀議塞諸水開濬灣巷官來沙小河至分水江會黃去遂止人以爲憾然泗冲大口冲新開濬帝臨堂諸水爲水鄉進城之路塞之實不便民況諸水皆有橋梁橫截民居蔽遮不見斜飛之形且大濬營前支河旣塞水之環城已多倘西潦漲滿又值霖雨無此幾冲消水必成泛濫城內城外均受其害署縣王植謂想其形勢舊說可考而不可泥惟西墾之河過城反跳形勢不利使開濬灣巷至分水江雖或歛廢民業然塞西墩反去之河截爲魚塘足償民業是有待於後之經理者

王志賢言

邑屬古兜山即百峰之一其別峰紅婆等山皆林木叢茂爲前此匪黨潛藏巨盜出沒之地 國初山盜張酒尾黃元沛等數十人分踞百峰古兜爲害地方者三十餘年蓋前事之明鑑也乾隆元年十月內奉撫都察院楊 批據縣民李高怡呈稱紅婆原係譚姓稅山前此租人燒取柴炭循例具呈等情行查到縣署縣王植會同參將王榮查得該山向爲盜窟自康熙十八年奉行燒寮驅逐民始安堵今若准其告承恐聚集多人良匪混雜滋爲民害不僅有碍田廬墳墓已也隨奉准註銷在案後黠民每逢大憲新任輒改易土名朦混上瀆然利害所關其事斷不可行

會邑官田有在官收租支銷者藉田四畝九分義學田土名高坦老虎墩鋤濬黃布上灣蝦潭等處八十畝六分零學田

新會縣志

卷十四

雜錄

夫

土名白坦洛等處五十四畝一分零大沙等處田坦一頃五十三畝零是也有在官收租解上者粵秀書院田土名蒲寮沙七頃六十畝四分零中心海一頃七十三畝零廣龍枕龍二沙田坦共四頃八十四畝七分零育嬰堂田土名慧龍寺三頃一十畝四分零鯉魚灣布洲等處田坦共四十三畝三分零黎馬沙水坦五頃是也有雖非官收而事屬在官者全節大忠祭田一頃七十三畝二分零三廣陶公祭田八十二畝一分零陳白沙祭田七頃五十二畝零丁公祭田四十九畝吳公祭田並坦六十一畝節烈蕭莊二氏祭田七十八畝八分零是也其稅散在各都畝其名又不皆官戶無可稽查有私賣別畝者乾隆五年署縣王植諭令冊書俱歸入縣首禮義一畝立官戶名色以杜私鬻私割之弊

別省田有定數粵東常生新沙浩瀚波濤中忽湧膏腴可耕之產亦地不愛寶之一端也邑民名之曰沙亦名曰坦坦之情形不同民之情僞亦變蓋新生之坦有突出淺海中央者始承之民望水告承約畧定數加之工築遂成草坦四旁漸爲白坦其外又爲水坦此等坦有數年卽露沙形者有年久尙爲水坦不能施工者他人聞之每生覬覦卽仍其土名攙承遞承倖得一准則不問四旁水坦而欲平分其原承之中沙或改易土名暗行報承証准一批則不問幾經工築而欲併奪其已成之草坦尙一時不及確查兩案皆已報上在坦之大者尙可變通分承而坦之小者遂有虛糧貽累甚至於工築成田之所捨割鬪毆致成大案此等沙坦四至皆海間以叢山不但原無定名亦難確分畝里其難理者一也至濱

新會縣志

卷十四

雜錄

七

海之田接生新坦自應先儘母田母田不承再及他人乃母田業主或恐沙不卽成或慮後有衝卸雖工築種草不敢遽行告承而旁人窺其將成爭先承報又或母田已承工築有日而旁人變換土名賄結朦准又不卽行爭佔至草坦已成熟田將就之日而後執前日所承之案混控佔爭此等坦或橫長數里原可接承或不過一灣僅容一主或田坦聯接或斜飛旁出卽勘丈之時多係深水淺坭無着腳處僅恃登高一望或水涌進舟得其彷彿而土人豎木水中目曰不界非山非樹原可那移故雖州縣慎重不敢遽報而旣報之後猶或十一之中有冒承重承之訟其難理者又一也粵省初辦沙案有在藩司給劄之法訟端滋起康熙五十六年又有赴學官給單之行猥雜益甚黠民執印文爲鐵券互爭遞控數

十年未已往往坦未入手田已盡鬻是可哀也乾隆五年八月內奉布政司程 檄行一件飭查承墾沙坦等事署縣王植將前由詳悉稟明又會邑現在辦理沙案大抵業戶呈報到後查該土名未經有人先承然後批令督總沙部勘丈繪圖具結再出示沙所曉諭一月無人告爭然後委官就近丈明註冊彙報至再至三寧遲勿速等由亦具文詳覆在案會邑宜復郡治之說其來久矣乾隆二年五月內巡撫都察院楊永斌奏稱廣州府屬之新會一邑山海崇深提封開廣幅輦之大不下五百里昔名新會郡領屬邑者六繼名岡州領屬邑者四自置縣以後屢因疆界延袤不稱縣治前明三析其地先後置順德恩平新寧三縣本朝復析其地置開平縣凡四經割置而五邑接壤之崑崙阜幕諸山蜿蜒綿亘等

新會縣志 卷十四 雜錄

六

密林深西南百峰一山尤爲險巖是以雍正九年間前督臣郝玉麟等復經題請分割新開兩邑之地添設鶴山一縣并設大官田同知駐劄彈壓亦以其地處巖疆事繁勢重故也第雖經屢分猶屬劇邑卽今命盜時間訟牒繁多一令宰治其間每有日不暇給之勢且接壤之新寧順德二縣則隸廣州恩開鶴山三縣則隸肇慶每遇有連界奸宄竊發潛逃事屬隔府防捕之計未免呼應遲緩臣查新會形勢南扼崖門諸險島嶼森列窺蔽重洋海舶盜艘飄突遊奕爲中路海防之衝西亘百峰大山深阻綿邈素稱匪窟今縣治在東北面崖門而肘百峰包絡新開各縣屏衛廣肇兩府洵四達之要區實一方之重鎮規模壯麗甲於諸邑而自新鶴恩開各縣前抵廣州省會必由新會經過本天然另一都會請於此設

復府治接昔所分各邑除順德近省爲廣州右弼無庸歸隸外其新鶴恩開四縣俱隸新府連新會附郭一縣共領五縣與廣肇二郡相爲犄角等因奉 硃批該部議奏旋經部議請合督撫再行妥議會楊調撫江蘇督部院鄂彌達主稿覆奏乾隆三年十二月部議據該督鄂 等覆稱新會形勢雖屬要區昔原爲郡後析爲縣必非無因況已添設鶴山縣治并設大官田捕盜同知駐劄其間雍正十一年又奉添虎跳門烏猪等處礮臺安兵布防控禦已極周密且新會城內地狹民稠若設府治則學宮府署以及佐貳首領衙門監倉等項無地可拓而縣治距本管之廣州府卽係會城僅二百餘里呼吸相通並非鴛遠可比應仍循其舊等語應如所議等因奉 旨依議事遂中止

俱同上

新會縣志

卷十四

雜錄

九

附錄南海孝廉馮之彥岡州學宮形勢論

從來相宅之法首重龍脈次論形局必須兩相契合如新會縣學宮由東方馬山來龍震氣入脈立子兼癸棄龍就局與順德良龍到頭大勢相同然順德 大成殿坐壬兼亥 崇聖殿在 大成殿東緊接東北良龍似乎棄龍就局實則橫龍卸落也今新會縣學宮 大成殿竟在馬山落脈之北細繹震龍接氣不真與脫氣無異謂之本實先撥雖父母子息卦氣清純稍勝順邑而龍脈旣失理氣無權科甲仕宦稍遜順邑職是故耳所喜者 大成殿露臺之前戟門櫺星門內外地段尙寬泮宮紅牆之外再圖東齋衙署餘地寬展儘可遷移謹將橫龍接脈之說臚列於左以俟採擇一 大成殿約移三丈之間緊接馬山來脈取橫龍貼脊之義爲一勞永

逸久安長治此正策也考之舊學宮圖形與鄙意不謀而合
乃第一要著切勿視爲尋常士農工賈萬世永賴時乃功一
崇聖殿在 大成殿後更脫龍脈亟宜遷過東齋衙署頭
門前傲順德學宮祖廟在東之法體制固合而地段有餘接
龍親切與 大成殿一脈相乘子讀父書斷在此舉一現在
崇聖殿改作 文昌宮上爲奎光樓提高六七尺鎮住坎
位借作後樂前築照牆分內外兩局無論直龍橫龍尤資保
障如丙子歲南海修學宮辛卯順德修學宮皆從尊經閣增
高科名立應可參觀互證焉如是則離虛坎實迴風返氣兩
得其宜一泮宮紅牆宜加高免屋角衝射巽位八角亭加高
數尺一以收水一以應星一櫺星門及戟門每進趨出而戟
門當截短數尺改低一二尺俾 大成殿丹墀較深趨其將

新會縣志卷十四 雜錄

三

來離氣亦納外局榕樹及土地祠點破明堂各款小疵統候
細領既定條目細陳未爲晚也採訪冊

按賈志王志學宮圖俱依前明規制自乾隆十二年
周懷濟邑令重修遷明倫堂於西北邊 崇聖殿於
後而 大成殿退入數丈大改前規祇圖前後寬敞
不知 大成殿 崇聖殿俱脫龍氣故百年來科名
仕宦大不如前而仕宦尤甚今邑中士民稍談形勢
者無不共知而屢議重修仍前舊規不成非經費之
難實共濟之難然合邑亦非無人而卒不濟者豈數
運使然與茲錄馮愷菴形勢論以俟後之有心斯文
者再僉謀焉

新會縣志卷十四終

譚錫朋同校
何朝昌同校

重修新會縣志捐簽經費官銜

新會縣知縣林 捐助銀肆百兩

新會縣知縣言 捐助銀壹百兩

重修新會縣志捐簽經費芳名列左

勸捐值事

誥授奉政大夫布政司理問加三級譚興然 署長樂縣訓

導陳占元 候選訓導張懋相 布政司經歷梁起蛟

廩生譚錫朋 貢生李炳麟 李如栢

許溥霖嘗捐銀貳百兩

刑部浙江清吏司主事候補郎中莫增庇捐銀壹百肆拾圓

譚世衍堂捐銀壹百兩

譚廣祿堂捐銀伍拾兩

新會縣志 卷十四 捐簽經費芳名

李修直嘗捐銀叁拾兩

何文懿嘗捐銀叁拾兩

陳百福堂捐銀叁拾兩

御前侍衛署廣東水師提督陽江總鎮何岳鍾捐銀叁拾兩

候選府同知林桂芳捐銀叁拾兩

李詒毅堂捐銀貳拾兩

舉人何嘉源捐銀貳拾兩

武生梁廷忠捐銀貳拾兩

黃葆素堂捐銀拾伍兩

舉人曲江學教諭中書科中書莫廷珪捐銀拾伍兩

進士湖北提標後營都司李達元捐銀拾伍兩

進士江西永豐營都司梁英忠捐銀拾伍兩

新會左營千總陞順德營守備陶雄亮捐銀拾伍兩
新會左營千總卽用守備李仕龍捐銀拾伍兩
候選州同譚鴻章捐銀拾伍兩

候選府同知莫恒中捐銀貳拾圓

副貢生西寧學教諭何其麻捐銀拾兩

新會右營外海把總李茂林捐銀拾兩

新會右營把總馮駿章捐銀拾兩

新會右營把總梁國英捐銀拾兩

貢生楊鶴鳴捐銀拾兩

監生黃震亨捐銀拾兩

黎居易堂捐銀拾兩

陶世烈堂捐銀拾圓

新會縣志 卷十四 捐發經費芳名

劉景和堂捐銀拾圓

許雷餘堂捐銀拾圓

兩廣督標水師營中軍守備譚鎮捐銀拾圓

誥授奉直大夫布政使司經歷加二級黃殿槐捐銀拾大圓

候選巡檢李道五捐銀拾圓

許大泰嘗捐銀陸兩

黃元吉堂捐銀伍兩

候選縣丞莫朝煒捐銀伍兩

候選把總譚金鑾捐銀伍兩

關思源堂捐銀陸圓

倫鶴和堂捐銀陸圓

黎配有嘗捐銀陸圓

進士山西潞澤營都司黎廷彪捐銀陸圓

候選知州盧士培捐銀陸圓

布政司經歷梁起蛟捐銀陸圓

布政司理問張鳳池捐銀陸圓

布政司理問馮瑞椿捐銀陸圓

候選州同張澤民捐銀陸圓

候選州同張朝錫捐銀陸圓

候選州同馮喬玲捐銀陸圓

候選州同張星樞捐銀陸圓

候選州同黃鳴鳳捐銀陸圓

候選州同梁觀光捐銀陸圓

例封武信郎監生譚爾圖捐銀陸圓

新會縣志 卷十四 捐發經費芳名

廩貢生候選按察司經歷許超捐銀陸圓

職員林栢青捐銀陸圓

職員李廣潤捐銀陸圓

貢生梁道平捐銀陸圓

監生莫廷澤捐銀陸圓

監生劉天增捐銀陸圓

監生談際昌捐銀陸圓

監生梁翊鳳捐銀陸圓

監生梁燧先捐銀陸圓

監生劉學宗捐銀陸圓

李徽業捐銀陸圓

陳興仁捐銀陸圓

會左營外委陶雄光捐銀伍圓

譚奇嶺嘗捐銀肆圓

黎日皓嘗捐銀肆圓

黎仕進嘗捐銀肆圓

許傑嘗捐銀肆圓

廩貢生連山學教諭關際亨捐銀肆圓

廩貢生曲江學教諭關光敏捐銀肆圓

候選府經歷何其瑞捐銀肆圓

武舉黎大光捐銀肆圓

武舉何朝顯捐銀肆圓

候選州同黎凌雲捐銀肆圓

廩貢平遠學訓導張懋相捐銀叁圓

新會縣志

卷十四

捐簽經費芳名

四

許上顯嘗捐銀貳兩

許履祥堂捐銀貳圓

布政司理問張仁捐銀貳圓

布政司理問張振猷捐銀貳圓

候選州同張振綱捐銀貳圓

封修職郎職員張惇五捐銀貳圓

候選訓導張書行捐銀貳圓

武舉林天保捐銀貳圓

歲貢生黎伯驥捐銀貳圓

附貢生張肇綸捐銀貳圓

職員梁國翰捐銀貳圓

貢生李炳麟捐銀貳圓

候補巡檢陸培元捐銀貳圓

廩生李朝英捐銀貳圓

生員關家樹捐銀貳圓

生員周祖培捐銀貳圓

監生梁紹勳捐銀貳圓

監生梁紹庭捐銀貳圓

監生莫大信捐銀貳圓

監生莫其德捐銀貳圓

監生梁日貞捐銀貳圓

監生柯滙源捐銀貳圓

梁德剛捐銀貳圓

梁天錫捐銀貳圓

新會縣志 卷十四 捐發經費芳名

生員葉其綦捐銀壹圓

監生張秉綱捐銀壹圓

監生張厥翅捐銀壹圓

監生張見田捐銀壹圓

監生張獻疇捐銀壹圓

監生莫萬平捐銀壹圓

監生張如琛捐銀壹圓

監生柯琨琪捐銀壹圓

梁德釗捐銀壹圓

莫慈和捐銀壹圓

梁翔鴻捐銀壹圓

梁俊英捐銀壹圓

梁汝昌捐銀壹圓

以上每圓米錢兌

以上共計收銀壹千陸百兩零叁錢正

一支總纂脩金捌百兩正 火燭銀貳百兩正

一支分纂脩金叁百兩正

一支采訪繪圖各先生下鄉費用共銀壹百貳拾肆兩五錢正

一支開局至撤局一切雜項共支銀貳百陸拾柒兩肆錢正

以上共計支銀壹千陸百玖拾壹兩玖錢除支外長銀

玖拾壹兩陸錢正 林邑侯墊支其餘校對脩金壹百

兩刻書工費叁百兩印書工費肆拾兩俱 林邑侯捐

廉支辦